



**Siverth K. Heilmann**

**02. 10. 2019**

**Atassut**

**UKA 2019/149-1**

**Politiit Paasiniaasartui (PET) pillugit inatsisip Kalaallit Nunaanni atulersinneqarnissaa pillugu peqqussummut missingiummut Namminersorlutik Oqartussat akuersinissat pillugu Inatsisartut aalajangiiffigisassaattut siunnersuut.**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Naalakkersuisut Politiit Paasiniaasartui (PET)-imik taaneqartartut pillugit Nunatsinni inatsiseqalernissarput pillugu saqqummiussaqaarnerannut qujanaq, imatullu Atassut-ip naatsumik oqaaseqarfigisavaa.

Politeeqarneq nunarsuarmioqataasutullu, Nunatsinni politiit, politiilluunniit avataaneersut, isertortumik paasiniaasinnaanerat pillugu inatsiseqarata, suleriaqqinnissami avaqqunneqarsinnaanngilaq, Naalakkersuisut kissaataat tassalu inatsisartutigoortumik peqqussusiornissarput piviusunngortissallugu, taamatullu siunertaqarneq, Atassut-miit tamakkiisumik taperserparput.

Sunaluunniit suliaq pisortaniik aallartinneqarpat innuttaasuniik apeqquserneqarsinnaasarput, pingaartumik inatsisitigut peqqussutinilluunniit toqqammavissaqartitsinngikkutta.

Taamatut naatsumik oqaaseqarluta suliap aappassaaneerneqartigani ataatsimiititaliami susassaqartumi suliareqqaarneqarnissaa Atassut-miit inassutigaarput.

Qujanaq.